

batuto, et questà notte havemo finito el nostro cavalier, che hor hora el poderemo adoperare; ma non vogliamo scoprirlo salvo al bisogno, ancora che li inimici ne hanno havuto qualche sospeto per haverli tirate molte botte, sopra el qual se metterà tre pezi boni che faranno grandissimo danno a li inimici, che li bisognerà più atender a bater el cavalier che le muraglie. Tutta questa notte si ha fato discargar brusche, condute da Trani con la nave dei Morexini, *etiam* de la galia de domino Zuan Justinian, andato a farle a Pulignano, senza le qual haveriammo fatto molto mal in caso che li inimici havesseno frequentato al batter; sichè se ha conzato la battitura et finito el cavalier. Et questa matina, che pensavamo haver un'altra gaiarda batteria, li inimici non *solum* non ne hanno battuto, ma hanno levato le artellarie da li loci che heri ne hanno battuto, et se vede esser rimasi molto confusi *cum* haver dato tanto animo a li nostri soldati quanto dir se pol. Et perchè questi inimici havevano dato fama, per quelli che sono fugiti del suo campo de qui, che voleano far una gaiarda bateria et che loro hanno mille piche *cum* homeni benissimo armati, li quali voleano far la strada a li altri, et questo havea messo qualche poco de pensier a li nostri soldati per esser el forzo archibuseri, et tutti mi dimandavano li provedi de arme, et nulla de qui potea preveder, et li ho dato bone parole, et mi pensai de servirme de le curazine et corsaletti de le galie, et il magnifico domino Almorò Morexini capitano al Golfo non *solum* mi ha dato le curacine de galioti, ma tutte le arme del suo pizuol, et havendo parlato heri de questo sopra la galia del proveditor Contarini, che'l voia farmi dar tutte le arme che'l pol de le galie, et cussì me le farà dar, et quando se vien a le braze strette li armati de piche et le arme de man sono in grandissima existimation et non bisogna far fondamento su tanti archibuseri, perchè chi li haverano sempre perderano. Scrive se fazi la limitation de le arme per el combater, altramente la Signoria se trovarà che le sue gente sarano in disavvantaggio; et passato questo travaglio, *cum* el consulto del

187 signor Camillo et de li capitanei, vorò regular le arme a tanti archibuseri per cento, et che quelli de le piche siano armati perchè de qui non ho homo d'arme; et voria se li mandasse uno numero de corsaletti et celade per armar queste zente nostre, *cum* li pretii, che tutti le pagerano voluntieri. *Etiam* se mandi danari per pagar le gente per conservation de queste nostre terre; seguendo qualche disordine, che Dio non voglia, la colpa non sarà

mia. Io ho da viver per pochi giorni sì de pan et vin come de carne et de ogni altra cosa.

*Postscripta.* Per relation de un fante padoan fugito dal campo, dice che li inimici hanno ritirata l'artellaria più de uno miglio, el qual ragazzo stava con un capitano de italiani, el qual la sera dete da cena al sergente maggior de spagnoli, et ha udito a dir a ditte gente che 'l campo se volea ritirar.

*Del ditto, di 28 ditto.*

Ancor che li inimici habbino ritirato le artellarie non hanno restato de continuar de lavorar la trinzea arente la nostra contrascarpa; per opinion del signor principe de Melphe, del signor Camillo Orsini et tutti questi capetanei, li par che inimici vogliano continuar questa trinzea arente la controscarpa et venir in capo de ditta controscarpa per intrar nel nostro fosso arente l'aqua, che non ha dismontata alcuna, et li fortificarsi de un bastion et veder de vadagnar el fosso, perchè in fin questa hora nui lavoremo dentro, et nui habbiamo deliberato de combatter ditto fosso et non lassarli per alcun modo spontar nè impadronirse del fosso.

L'è fuzito heri sera dal campo inimico dui francesi, et heri uno ragazzo padoan, el qual stava con un capitano, et che quel suo capitano haveva invitato a cena el sergente maggior de spagnoli, el qual rasonando insieme li disse come lo exercito se voleva ritirar, et in questa conformità ne hanno ditto li dui francesi, et che per tutto se diceva, da poi fata la bataria, che lo exercito se ritirava. Et che luni el marchese fece tre volte conseio, et che se diceva che li capitanei spagnoli havevano ditto al marchese, che se'l se ritirava li era de grandissimo cargo, *cum* pericolo de ruinar le cose de lo impador. Se starà a veder; nui non atendiamo ad altro salvo a riposarsi, pensando non che se habbino a ritirar, ma che li habbi a venir soccorso, et tutti stemo de bonissimo animo, et non dubitiamo niente de li inimici, et ogni giorno facemo saltar de li nostri soldati fora a infestar li inimici, i quali hanno mostrato villà più presto che animosità. Hormai a Trani sono pochi formenti per quella terra et *etiam* per questa, che è cressuto tanto numero de gente, sichè bisogna preveder a le vituarie, senza le qual non se pol conservar la terra. Ho deliberato di expedir questa notte el magnifico capitano del Golfo per Schiavonia, con ordine che 'l retegna qualche bona summa de formenti o menarli de qui o man-